

ԳՐԱԽՈՍՈՒԹՅՈՒՆ¹

ՀԱՅ ԺՈՂՈՎՐԻՒՆՆԵՐԻ ՊԱՏՄՈՒԹՅՈՒՆ.

Հնագույն ժամանակներից մինչև XVIII դարի վերջը: Թույլատրված է
ՀՍՍՌ ԼԺԿ-ի կողմից օրպես ձեռնարկ միջնակարգ դպրոցների համար: Արմ-
ֆանի հրատարակչություն, Երևան, 1943 թ., 271 էջ, պատասխանատու խմբ-
ագիրներ՝ Մ. ՆԻՐՈՒՍՅԱՆ, Կ. ՂԱՖԱԴԱՐՅԱՆ.

Ներկար տարիներ մեր դպրոցները զուրկ էին սեփական ժողովրդի
պատմության ուսումնասիրելու հնարավորությունից՝ համապատասխան
ձեռնարկի բացակայության պատճառով: Նման ձեռնարկները վաղուց էին
աչակերտության և ընթերցողների լայն շրջանների առաջին անհրաժեշտու-
թյան նվազագույն և անհետաձգելի պահանջը դարձել: Վերջապես 1943 թ.
յույս տեսավ ձեռնարկը, որը տասնյակ հազարավոր մարդկանց կողմից
ընդունվեց մեծ վերմությունք:

Տողերիս գրողը նույնպես հազարավոր ուրիշների հետ ի սրտե ողջու-
նում է հայ ժողովրդի պատմության ձեռնարկի լույսընծայումը և համոզ-
ված լինելով, որ առաջին հրատարակությունը միաժամանակ վերջինը չի
լինելու, ընդառաջում է խմբագրության ցանկությանը անել իր մի քանի
դիտողությունները, որոնք կարող են նկատի առնվել հետագա հրատարա-
կությունների ժամանակ:

1. ԽՊՈՒԽԱՆԵՐԻ ԲԱԺԱՆՄԱՆԻ ԽԱՐՑԵ

1. Պատմության ամեն մի ձեռնարկում առաջին կարևոր հարցը էպո-
խաների բաժանման և նրանց այս կամ այն անունը տալու հարցն է: Բա-
ժինները գլխագրելը կարող է երկրորդական հարց թվալ, սակայն բաժին-
ների և ենթաբաժինների անունները անցյալում են այս կամ այն էպոխա-
յի դիտավոր թույլանդակությունից և ցույց են տալիս, թե որքանով ճիշտ է
ընդունվում սովյալ ժամանակաշրջանը, որն է նրա հիմնական էությունը, որով
նա զանազանվում է նախորդ և հաջորդ դարաշրջաններից, այլ խոսքով, ինչով
է հիմնավորվում սովյալ շրջանաբաժանումը, և արդյոք ճշմարտացի է դըր-
սևորում պատմական իրադրությունը: Հայ ժողովրդի պատմության էպո-
խաների մարքսիստական շրջանաբաժանումը ձեռնարկում կատարված է

¹ Խմբագրությունը համառոտ չէ զբախտողի մի քանի էությունների և դիտողություն-
ների հետ: Գրախոսականը ապացուցում է մտքերի փոխանակության կարգով:
«Ցեղեկագրի» ևսմբ.

առաջին անգամ, և թերութուններն ու վիճելի հարցերն անխուսափելի են, Հայ ժողովրդի պատմության ձեռնարկի առաջին մասը բաղկացած է երկու բաժնից՝ առաջին բաժին—Հիմ շրջան և երկրորդ բաժին—Միջին դարեր։ Հին շրջանն ընդգրկում է հնագույն ժամանակներից սկսած մինչև V դարի պատմությունը, իսկ միջին դարերը՝ V-ից մինչև XVIII դարերի պատմությունը։ Ի՞նչն է հիմք ծառայել V դարը որպես հին և միջին դարերի սահմանազուլի որոշելուն, ինչով է միջին դարերին վերագրված V դարը տարբերվում հին շրջանի մեջ մտնող IV դարից. նրանով, որ Հայաստանը Արշակունիների թագավորության տապալումից հետո զրկվեց իր քաղաքական անկախությունից, և կենտրոնացված ու գորեղ պետությունը Հայաստանում չառաջացավ։ Հայ Արշակունի թագավորներին փոխարինեցին պարսից մարդպաններն ու արքաները, որոնց նույնպես չհաջողվեց Հայաստանը վերջնականապես իրենց կենտրոնական իշխանությանը ենթարկել։ Օրկրի ֆինանսական և ուղիական վարչությունները, մասամբ և քաղաքացիական վարչությունը համարյա անփոփոխ մնացին, իսկ ֆեոդալիզացիայի վաղուց դոյութուն ունեցող պրոցեսը շարունակեց իր հետագա էվոլյուցիան։ Ունեցվածքային և դասակարգային հարաբերություններն էական փոփոխությունների չենթարկվեցին և շարունակեցին իրենց դանդաղ զարգացումը նույն ֆեոդալական հասարակության ներսում։ Այսպիսով ոչ մի կերպ չի հիմնավորվում V դարը հին շրջանի և միջին դարերի սահմանազուլի համարելը։

Ի՞նչ ելակետ պետք էր ունենալ։

Մարքսիստական պատմագիտությունը ելնում է այն փաստից, որ հասարակության զարգացումն առաջ է ընթացել պրոգրեսիվ կերպով իրար փոխարինող տարբեր հասարակա-տնտեսական ֆորմացիաների առաջացման և անհետացման ուղիով։ Պատմության հիմնական շրջանաբաժանումները համապատասխանում են տարբեր հասարակա-տնտեսական ֆորմացիաների դոյության ժամանակաշրջանին։ Ընդունված է մինչֆեոդալական հասարակությունների պատմությունը համարել մարդկության պատմության հին շրջան, ֆեոդալական հասարակության պատմությունը միջին դարերն են կազմում, իսկ կապիտալիստական հասարակության հաղթանակով սկսվում է նոր պատմությունը։

Հայ ժողովրդի պատմության ձեռնարկում էլ պետք էր հետևել այս միակ հիշտ և գիտական սկզբունքին։ Մինչդեռ ձեռնարկում Արշակունյան թագավորության շրջանի պատմությունը շարադրված է որպես ֆեոդալական հասարակության պատմություն, բայց անջատված է միջին դարերից և վերագրված պատմության հին շրջանին։

Ձեռնարկի հեղինակներն ու խմբագիրները երևի առաջնորդվել են նրանով, որ եվրոպական միջին դարերն սկսվում են IV և V դարերից, բայց չէ՞ որ պատմական միևնույն երևույթները և էպիսոաները տարբեր կոնտինենտներում և տարբեր երկրներում միևնույն ժամանակ չեն առաջանում և միևնույն տևողությունը չեն ունենում։ Անդրկովկասում և իրանում ֆեոդալական հասարակությունն ավելի վաղ է առաջացել, քան եվրոպայում և Ռուսաստանում։ Միջին դարերի շրջանը Հայաստանում սկսվում է հայ Արշակունիների թագավորությամբ (մ. թ. առաջին դարեր)։ այստեղից էլ պետք էր սկսել ձեռնարկի երկրորդ բաժինը՝ միջին դարերը, Արշակունի-

ներից մինչև Բաղրատունյան թագավորության շրջանը, անվանելով վաղ միջնադար:

2. Երկրորդ թերությունը էպոխաների բաժանման գծով այն է, որ մի քանի դարաշրջաններ պարզապես անվանված են դարերով, օրինակ՝ «Հայաստանը II և III դարերում», «Հայաստանը V—VII դարերում» և այլն:

Գլուխների և ենթագլուխների վերնագրերը պետք է որոշակի կերպով ցույց տան տվյալ ժամանակաշրջանի հիմնական էությունը և նրա գլխավոր հատկանշական կողմը: Ձեռնարկի ծրագիրը կազմելիս, ինչպես և տեքստը շարադրելուց հետո գլխագրերը ճշգրտելիս՝ հեղինակները և խմբագիրները երբեմն ընտրել են հեշտ, բայց սխալ ուղի: Հիշելով, «Հայաստանը II և III դարերում», «Հայաստանը IV դարում» ոչինչ չասող վերնագրեր են: Այս կարգի թերություններն ուղղելու նպատակով կարելի կլինի հետագա հրատարակությունների ժամանակ նկատի ունենալ մեր հետևյալ առաջարկները:

1. Թոթերորդ գլխի երկրորդ ենթաբաժինը՝ «Հայաստանը II և III դարերում» (էջ 75)—վերնագրել «Հայաստանը բուժեր պետութուն, II—III դարեր»:

2. Նույն գլխի երրորդ ենթաբաժինը՝ «Հայաստանը IV դարում» (էջ 81)—վերնագրել «Արշակունյան պետության կենտրոնացման և ամրապնդման փորձերը IV դարում»: Նկատի ունենալով, որ հայկական պետության ամրապնդման փորձերն սկսվում են Տրդատ III-ի թագավորության մոմանակ, անհրաժեշտ է նրա թագավորության շրջանը և քրիստոնեութունը ընդունելը յոթերորդ գլխի երկրորդ ենթաբաժնից տեղափոխել երրորդ ենթաբաժինը:

3. Ութերորդ գլուխը՝ «Հայաստանը V—VII դարերում» (էջ 105)—վերնագրել՝ «Հայաստանը Սասանյան Պարսկաստանի և բյուզանդական կայսրության տիրապետության ներքո. հայերի պայքարը անկախության համար»:

Այս գլխի առաջին ենթաբաժինը վերնագրել «Մարզպանական Հայաստանը» (այս ենթաբաժինը դասադրքում բացակայում է, պետք է այն ստեղծել, ուլիում ցույց տրված առաջին ենթաբաժինը դարձնել երկրորդ ենթաբաժին և նրա վերջին հատվածը—«484 թ. դաշնադրության նշանակութունը» (էջ 113) հանել և փոխարենը գնել «450—451 և 481—484 թ. թ. ժողովրդական ապստամբությունների նշանակութունը» հատվածը ընդարձակ շարադրությամբ (2—3 էջ), ուր ցույց տալ, որ այդ ապստամբությունների շնորհիվ Ասսանյաններին չհաջողվեց Հայաստանը վերջնականապես իրենց ենթարկել: Հայաստանը պահպանեց իր ինքնուրույնութունը, դրանով իսկ ապահովվեց երկրի տնտեսական բարգավաճումն ու շինարարությունը և նշանավոր կուլտուրական զարգացումը, որը բերեց ոչ միայն ազգային կուլտուրայի ձևավորմանը, այլև նրա ծաղկմանը, ինչպես գրի, դրականության, հասարակական մտքի, նույնպես և նյութական կուլտուրայի՝ իր ժամանակի համար բարձր աստիճանի զարգացմանը:

4. Ութերորդ գլխի երկրորդ ենթաբաժինը՝ «Արևմտյան Հայաստանը V—VI դարերում» (էջ 113)—վերնագրել՝ «Արևմտյան Հայաստանի կցումը բյուզանդական կայսրությանը VI դարում»:

5. Իններորդ գլուխը՝ «Հայաստանը VII—IX դարերում»—վերանվանել «Հայաստանը արաբական լծի տակ»:

6. Նույն իններորդ գլխի երկրորդ ենթաբաժինը «Հայաստանի նվաճումը» — վերանվանել «Հայաստանը արարական տիրապետության առաջին շրջանում», նկատի ունենալով, որ այս շրջանում (VII դ. երկրորդ կեսը) ղեռ չի հաստատվում արարական խալիֆայթի ծանր լուծը, երկրի նարզացումն անփոփոխ ընթանում է նախկին հունով, և Հայաստանի տնտեսական ու կուլտուրական վերելքը ղեռ շարունակվում է, ինչու ենթադրվում անհրաժեշտ է ընդարձակել Կրիդոր Մաթիկոնյանի իշխանության շրջանը, Հայաստանի անկախության փորձը և ավելացնել Սմրատ Իագրատունու պայքարը բյուզանդական կայսրության ոտնձգությունների դեմ:

Այս ենթագլխի երկրորդ կեսը՝ սկսած խալիֆայթի վարած քաղաքականությունը Հայաստանում հատվածից՝ անջատել և ընդարձակելով դարձնել առանձին ենթադրույթ, վերագրելով՝ Արարական խալիֆայթի լծի հաստատումը Հայաստանում:

7. Տասնմեկերորդ գլուխը՝ «Հայաստանը XI—XIII դարերում» — վերանվանել «Հայաստանը սելջուկյան տիրապետության և Զաքարյանների իշխանության շրջանում»:

8. Տասնհինգերորդ գլուխը՝ «Հայաստանը XV—XVIII դարերում» — վերանվանել՝ «Տնտեսական-քաղաքական և կուլտուրական անկման երկարատև շրջան Հայաստանում (XV—XVIII դ. դ.)»:

Առաջարկված փոփոխությունները, թվում է, համապատասխանում են պատմական իրականությանը: Այդ փոփոխություններին համապատասխան որոշ փոփոխություններ և լրացումներ պետք է կատարվեն և ձևոնարկվեն տեքստում:

II. Ձևակերպի բովանդակության վերաբերող առաջին հարցեր

1. Ձևակերպի երկրորդ գլխում (Վախճանարարյան համայնական հասարակությունը Հայաստանում) թույլ է տրված մեթոդոլոգիական սխալ: Նախադարյան համայնական հասարակության պատմությունը շարադրված է որպես նյութական կուլտուրայի պատմություն: Այստեղ կարելի է պետքնել պալեոլիթ, նեոլիթ, բրոնզե և, նույնիսկ, երկաթե դարեր, իսկ հասարակության պատմությունը՝ իր համապատասխան շրջանաբաժանումներով՝ բացակայում է: Այդ գլխի հեղինակ հանդուցյալ պրոֆ. Պ. Ասմունյանը բերում է 9. Մարքսի խոսքերը, որ նախադարյան շրջանն «ստորաբաժանվելով ըստ գործիքների և գեների նյութեղենի» տրոհվում է քարե դարի, բրոնզե դարի և երկաթե դարի» (Մարքս): Այնուհետև կարգում ենք ձևակերպում: Վախճանարարյան հասարակության աշխատանքի գործիքների տեխնիկայի զարգացման այս աստիճաններից յուրաքանչյուրին համապատասխանում են որոշ արտադրական և սոցիալական հարաբերություններ: Մարքսի գծն այստեղ չի հասկացված: Արտադրության գործիքների, ավելի ճիշտ՝ արտադրության միջոցների զարգացման աստիճանով պայմանավորվում է արտադրության եղանակը, իսկ վերջինովս որոշվում են արտադրական հարաբերությունները հասարակական-տնտեսական այս կամ այն ֆորմացիայում, բայց այդ չի նշանակում, թե հասարակության պատմությունը կարելի է փոխարինել աշխատանքի գործիքների զարգացման պատմությամբ կամ հնագիտությամբ: Ճիշտ է, քանի որպես չին ժամանակ

նակներն ենք գնում, այնքան մեծանում է հնադիտության դերը և տեղը պատմության մեջ, սակայն հնագիտությունը ոժանդակ պատմական գիտություն է և չի կարելի նրանով փոխարինել պատմությունը: Հենց այս սխալն էլ թույլ է տրված ձեռնարկում:

Ավելին. քարե, բրոնզե և երկաթե դարերով պատմությունն անելը ձեռնարկում բերել է նրան, որ տոհմական հասարակությունը և հեթիթական, միտանական, սուրարական և արաբական հասարակություններին վերաբերող մի շարք հարցեր իրար են խառնված (տես էջ 23, 24, 25), այսինքն դասակարգային հասարակության շրջանին վերաբերող երևույթների մասին խոսվում է մինչդասակարգային տոհմական հասարակության պատմությունն անելիս:

Ձարգացած բրոնզե գործիքները հայանի են եղել և՛ տոհմական հասարակությանը՝ նրա վերջին շրջանում, և՛ հնագույն դասակարգային հասարակություններին: Ի՞նչպես կարելի է անել առհասարակ բրոնզե դարի պատմությունը, որպես մարդկային հասարակության մի առանձին էպոխայի պատմություն: Էլ չենք խոսում «երկաթե դարի», Պրպես պատմական առանձին էպոխայի մասին, որը միանգամայն անհեթեթ է:

Հետագա հրատարակությունների ժամանակ այս երկրորդ գլուխը պետք է արմատապես վերամշակել ժամանակակից պատմական գիտության պահանջների համաձայն: Այդ գլխում պետք է շարադրել նախնադարյան հորդայի, նախնադարյան կոմունիզմի և տոհմական հասարակության քայքայման պատմությունը: Այս ենթագլուխներում իրենց տեղը կգտնեն և՛ պալեոլիթը, և՛ նեոլիթը, և՛ բրոնզե դարը, և՛ առաջին երկաթե գործիքների երևան գալը, մայրիշխանական ու հայրիշխանական տոհմը, ինչպես և վայրենությունից բարրարոտության անցումը: Մի խոսքով՝ այս գլխում պետք է տոհմական հասարակության պատմությունը տալ իր ամբողջ բազմակողմանիությամբ, որ հայտնի է պատմագիտությանը, ճիշտ է, գերազանցապես նյութական կուլտուրայի և նրանից հանած եզրակացությունների շնորհիվ, բայց ոչ թե հասարակության պատմությունը փոխարինել նյութական կուլտուրայի պատմությամբ:

2. Երրորդ գլխի առաջին ենթարաժնում՝ «նախադարձական հասարակություն»-սուրարիները, մետանիները և, մանավանդ, նայիրյան ցեղախմբերն ամենուրեք անվանվում են ժողովուրդներ (էջ 27, 28, 29): Ավելի ճիշտ կլիներ նրանց անվանել ցեղախմբեր և ցեղային միություններ՝ նկատի ունենալով, որ նրանց էթնիկական կազմավորման սկսված պրոցեսը չհանգեց նրանց՝ որպես ժողովուրդ ձևավորվելուն, իսկ նրանց կազմավորվող պետությունը ցեղային ռազմական միությունից այն կողմը չանցավ:

3. Ուրարտական հասարակության քաղաքական պատմությունը (էջ 29—32) չափազանց չոր ու ցածաք և թերի է շարադրված. իսկ Արգիշտի I-ի և Ռուսանների թագավորությունների նշանավոր շրջանները բոլորովին չեն հիշատակված: Առհասարակ Ուրարտուին վերաբերող պարագրաֆը թույլ է և վերամշակման կարիք ունի:

4. Վեցերորդ գլխի չորրորդ ենթագլխում՝ «Հայաստանի սոցիալ-տնտեսական դրությունն Արտաշիսյան թագավորության ժամանակաշրջանում» (էջ 68)՝ Հայաստանը ցույց է տրված որպես ֆեոդալիզմի երկիր: Այդ չի համապատասխանում պատմական իրականությանը և արհեստականորեն

ստեղծված կարծիք է: Արտաշիսյան թագավորության ժամանակաշրջանը անցման շրջան է հանդիսանում իր հողատիրական արխատկրատիայով և ստրկատերերի դասով — մի կողմից և համայնքի անդամ, բայց արդեն հարկատու գյուղացիությունում ու ստրուկների դասով — մյուս կողմից: Այս շրջանում նոր միայն սկսում են առաջանալ ֆեոդալական հարաբերություններ, որոնց առկայությունը Հայաստանում դարեր հետո միայն կարելի է հավաստել:

Այնպիսի արտահայտություններ, ինչպիսիք են՝ «ֆեոդալական հարաբերությունների զարգացման պրոցես» (էջ 68, առդ 13), «կալվածատերերի ժայռահեղ շահագործում» (էջ 68, առդ 23—24), պետք է հանել 68-րդ էջից և փոխարենը դնել՝ «ֆեոդալական հարաբերությունների առաջացման պրոցես»: 23—24-րդ տողերը ձևակերպել՝ «որոնք մեղմացնում էին գյուղացիության շահագործումը հողատերերի կողմից», «Ազնվականություն», «կալվածատերեր», «հողատեր իշխաններ» տերմինները հանել և փոխարինել «հողատերեր», «հողատիրական դաս» և «ստրկատերեր» տերմիններով:

5. Սխալ կլինի հայերի պարսկական կամ հոռմեական (իսկ հետո բյուզանդական) օրիննտացիայի հարցը բացատրել լուկ թագավորական տան և մի շարք իշխանների ներքին հակասություններով (էջ 83), կամ այն բանով, որ Տրդատը Հռոմի «միջնորդությամբ» էր թագավոր դարձել (էջ 81): Հայերի՝ այս կամ այն օրիննտացիան ընդունելը մի քանի պատճառներ ունի. ներքին հակասությունները դրանցից մեկն էին, բայց ոչ գլխավորը: Այն հիմնականում բացատրվում է երկրի անկախությանը արևմուտքից և արևելքից սպառնացող վտանգի դեմն առնելու ձգտումով: Երբ հոռմեական աշխարհակալությունն էր Հայաստանի անկախությունը վտանգ սպառնում, նրա դեմն առնելու համար հայերը պարթևական Պարսկաստանի օժանդակություն էին որոնում: Իսկ երբ թուլացած հոռմեական կայսրությունն այլևս վտանգավոր չէր, ընդհանրապես, սպառնալիք զալիս էր նոր առաջացած Սասանյան հզոր պետության կողմից, հայերը Արևելյան հոռմեական կայսրության օժանդակություն էին որոնում: Բայց կար և մի երրորդ դեպք, երբ վտանգը երկու կողմից էլ էր սպառնում: Այս դեպքում նախարարների մի մասը, որն իր տնտեսական և անձնական շահերով կապված էր Բյուզանդիայի հետ և իր կալվածներն ու կալվածատիրական իրավունքները պահպանելու հույսը բյուզանդական կայսրության հետ էր կնքում, անցնում էր Բյուզանդիայի կողմը, իսկ մյուս մասը՝ նույնպիսի պատճառներով պարսկական օրիննտացիային էր հարում: Բյուզանդիայի առաջխաղացման դեպքում Արևմտյան Հայաստանի նախարարներն էին տուժելու, իսկ Պարսկաստանի առաջխաղացման դեպքում՝ Արևելյան և Հարավային Հայաստանի նախարարները: Թացի այդ՝ մեծ նշանակություն ունեցող թե հզոր հարևաններից որ մեկից ինչ սպասելիքներ կարող էին լինել, վերջապես, հաճախ կռվախնձոր դարձած Հայաստանը չէր կարող չօգտագործել Պարսկաստանի և Հռոմի (Բյուզանդիայի) միջև գոյություն ունեցող հակամարտությունները՝ իր գոյությունը պահպանելու համար: Ինչ վերաբերում է այդ երկու հզոր հարևաններին, ապա նրանք չէին կարող իրենց մրցակցության ընթացքում հաշվի չառնել ստրատեգիական խոշորագույն նշանակություն ունեցող և բավականաչափ պատկառելի ռազմական ուժ ներկայացնող Հայաստանը:

Այս նույն դրությոնը շարունակվում է և հետագայում՝ արաբա-բյուզանդական մրցակցության ժամանակ։

6. Պակասավոր է լուսաբանված և քրիստոնեության հարցը՝ ձիշտ է, որ հայերը քրիստոնեություն ընդունելով կապվեցին քրիստոնեական Արև-մուտքի հետ, բայց քրիստոնեություն ընդունելու պահին հայերը բյուզանդական կայսրությանը չէին ապավինում, որքանով քրիստոնեությունը Հայաստանում պետական կրոն դարձավ Միլանի էդիկտից տաս տարի, իսկ առաջին տիեզերական ժողովից (որը որոշեց քրիստոնեությունը բյուզանդական կայսրության պետական կրոնը դարձնել) քսաներկու տարի առաջ։ Այն շրջանում, երբ Ասսանյան կայսրության կողմից էր հիմնական վտանգը սպառնում, հայերը քրիստոնեությունն օգտագործում էին Բյուզանդիայի օժանդակությունն ստանալու համար։ Իսկ հետագայում, երբ քրիստոնյա Բյուզանդիան է ձգտում Հայաստանն իր տիրապետությանը ենթարկել (V) դարի երկրորդ կեսից), հայերը մերժում են բյուզանդական քաղկեդոնական դավանանքը և ընդունում են միաբնակությունը։ Այսպիսով, քրիստոնեական դավանանքով հայերը սահմանադատվում են պարսիկներից, իսկ հակաքաղկեդոնական դավանանքով՝ Բյուզանդիայից։ Հայերի ընտրած դավանանքը հայ ժողովրդի գոյության և պատմական բախտի համար խոշոր դեր է խաղացել։ Այս հարցերը տեղ չեն գտել ձեռնարկում։

7. Տասնհինգերորդ դլիի երրորդ և չորրորդ ենթաբաժիններում կան լուրջ թերություններ. սեֆյան Պարսկաստանի և սուլթանական թյուրքիայի լծերի ծանրությունը հայ ժողովրդի ուսերին՝ թույլ է ցույց տրված, առանձնապես թույլ է շարադրված հայ ժողովրդի իրավական անազատությունն ու ծանր վիճակը, պարսից և թյուրքական պետությունների, ինչպես և խաների ու փաշաների հրեշավոր կամայականություններն ու բռնությունները։ Վերջապես չի արված այն եզրակացությունը, որ Հայ ժողովրդը պարսից և բյուրժուական լծի տակ զրկված էր տնտեսված, քաղաքական և կուլտուրական զարգացման պոտենցիալ հնդեակերմից և կանգնած էր փակուղու առջև։

III. Խուլիստիզմի վերաբերող հարցեր

Ձեռնարկում ամենից ավելի թույլ կերպով է շարադրված հայ ժողովրդի հնամենի նշանավոր կուլտուրան, և բոլոր հատվածները, ուր խոսվում է կուլտուրայի մասին, վերամշակման կարիք ունեն։

1. Ամենից առաջ սխալ է Արտաշիսյան և Արշակունյան թագավորությունների՝ միանգամայն տարբեր շրջանների տարբեր կուլտուրաները միևնույն հատվածում շարադրելը։ Անհրաժեշտ է Արտաշիսյան թագավորության շրջանի կուլտուրան, որը համարյա իր արտահայտությունը չի գտել հիշված ընդհանուր հատվածում, առանձին շարադրել և առանձին հատվածով գետեղել վեցերորդ դլիի վերջում։ Անհրաժեշտ է ցույց տալ, որ Արտաշիսյան-Տիգրանյան թագավորությունը հելլենիստական կուլտուրայի թագավորություն էր։ Այստեղ խոսել և հայկական հեթանոսական կրոնի մասին։

2. Արշակունյան թագավորության շրջանի կուլտուրայի շարադրության մեջ պետք էր ցույց տալ, որ Հայաստանի կուլտուրայի հելլենիստա-

կան գիծն արդեն տիրապետող չէ, այլ թուլանում է, պարթևական գիծն է զգալի աեղ բռնում, բայց գլխավոր հասկանչական կողմն այն է, որ այս շրջանում տեղակեցն ազգային կուլտուրայի առաջացման օրհանգցն է առկա զանցում:

3. V—VII դարերի կուլտուրան շարադրելիս պետք է միանգամայն որոշակի կերպով ցույց տալ, որ այս շրջանում բոլոր գծերով ձևավորվում և իր ծաղկումն է ապրում տեղական ազգային կուլտուրան, որը նշանավոր ներգրում է հանդիսանում մարդկության կուլտուրական զանազանում և իր ազդեցությունն է տարածում հարևան երկրներում (բյուզանդական կայսրություն, Վրաստան, Աղվանից աշխարհ):

4. «Կուլտուրան VIII—IX դարերում» հատվածն անմիջապես սկսվում է «Պատմագրություն» պարագրաֆով: Թվում է, թե չի կարելի այդպես վարվել: Պետք էր նախ ցույց տալ, որ արաբական լծի շրջանում (VIII դարի սկզբից մինչև IX դարի վերջերը) Հայաստանի տնտեսական անկմանը զուգահեռվում է և կուլտուրական անկումը: Մտավոր կուլտուրան չի կերպ շարունակում է կյանքի նշաններ ցույց տալ, իսկ նյութական կուլտուրան, հատկապես ճարտարապետությունը, համարյա մեռյալ կետի վրա չէ կանգնում: Բազմաթիվ թագավորության շրջանում միանգամայն բարենպաստ պայմաններ են ստեղծվում հայկական կուլտուրայի զարգացման համար, և կուլտուրական զարգացման մի նոր նշանավոր վերելք է տեղի ունենում: Պետք էր, վերջապես, ցույց տալ, որ այս շրջանի համար հատկանշական է արաբական կուլտուրայի ազդեցությունը:

5. XI և հետագա երկու դարերի կուլտուրան շարադրված է «Հայաստանը մոնղոլական լծի տակ» գլխից հետո, և ցույց է տրվում մի նոր, նշանավոր կուլտուրական վերելք: Իսկապես Հայաստանն այդպիսի կուլտուրական վերելք ունեցել է, բայց XII—XIII դարերում, բուն Հայաստանում և Կիլիկիայում: Սելջուկյան տիրապետությունը մի պահ միայն խախտեց Հայաստանի տնտեսական և կուլտուրական վերելքը, իսկ մոնղոլական լծի շրջանում սկսվում է Հայաստանի տնտեսական և կուլտուրական անկման ու քայքայման շրջանը: Զի կարելի XII—XIII դարերի կուլտուրական նշանավոր վերելքը շարադրել XIV դ. կուլտուրայի հետ մեկտեղ և զետեղել մոնղոլական տիրապետության շրջանից հետո: Ծիշտ կլինե՞ր XII—XIII դարերի կուլտուրան շարադրել առանձին և զետեղել տասներկուերորդ (Կիլիկիայի հայկական թագավորությունը) գլխի վերջում:

XIV դարում բուն Հայաստանում կուլտուրան, ինչպես և տնտեսությունը, անկում են ապրում և տնտեսական, մանավանդ կուլտուրական որոշ աշխուժություն տեղի է ունենում կամ բուն Հայաստանից դուրս (Կիլիկիա), կամ նրա ծայրամասերում: Հայ ժողովրդի տնտեսական, քաղաքական և կուլտուրական կյանքի որրանը հանդիսացող Այրարատյան նահանգում (Արարատյան դաշտ, Շիրակ) XIV դարում անկում և ամայացում է տեղի ունենում, որը զուգակցվում է արտագաղթով, անժարդաբնակ են դառնում և ավերվում են հայ ժողովրդի պատմության մեջ նշանավոր դեր խաղացած հույնավոր Անին և Դվինը: XIV դարի կուլտուրան (ներառելով մինչև XV դարի առաջին քառորդը) կարելի է առանձին շարադրել և զետեղել տասնչորսերորդ գլխից հետո:

6. Կրթության մակարդակի և դպրոցների մասին խոսելիս՝ հեղինակ-

ները հեռացել են պետական մոտեցում ունենալուց, թերագնահատել են զգրոցների խաղացած դերը և կրթության զգալի ծավալն ու բարձր մակարդակը այն ժամանակ (IX—XI դ. դ.), երբ Եվրոպայում կրթությունը բոլորովին էլ հարգի չէր, իսկ զպրոցներ ու կրթված մարդիկ հազվագյուտ էին: Պետք էր ցույց տալ, որ X—XI դարերում Հայաստանում հանդես է գալիս բարձրագույն դպրոցը, ուր ուսուցանում էին փիլիսոփայություն, նարտասանություն, քերականություն, աստղագիտություն, բժշկություն, աստվածաբանություն և այլն: Այդ դպրոցները X—XI և XII—XIII դարերում տվել են գիտնականների մի ամբողջ շարան, որը գիտաչ էր հունա-հելլենական փիլիսոփայությանը, վաղ քրիստոնեության շրջանի՝ հեթանոսական փիլիսոփայության հետ հարընչվող աստվածաբանությանը և կանգնած էր իրեն ժամանակակից գիտության բարձրության վրա: (181-րդ էջում բերված պատկերի տակ պետք էր դնել «Սանահնի բարձրագույն դպրոցը (ճեմարան)» մակագրությունը:

223-րդ էջում կարդում ենք. «...Շատ քիչ մարդկանց էր վիճակվում դրագետ դառնալ, որովհետև դպրոցները լայն ցանց չունեին և եղածներում էլ սովորում էին գլխավորապես հոգևորականների, ազնվականների և մասամբ գյուղացիների զավակները»։ Նման ձևակերպումը նիշտ չէ, նախ այն պատճառով, որ պատմական մոտեցումը դանց է առնված, ասես, հեղինակը (Ս. Պողոսյան) արդի տեսակետով է առաջնորդվել: Հետաքրքիր է հարց տալ հեղինակին, թե X—XIII դ. դ. աշխարհի ճորանկյունում դպրոցների ցանցն ավելի ստվար էր ու կրթական մակարդակը ավելի բարձր, քան Հայաստանում և Վրաստանում: Երկրորդ աշխատավորական դասերից սովորողների թիվն այնքան էլ փոքր չէր, որքան հեղինակն է կարծում: Ձպետք է շփոթել այն բանը, որ բարձր կրթություն ստացող գյուղացին հետագայում հոգևորական էր դառնում: Համենայն դեպս այդ ժամանակաշրջանում տասնյակ գիտնականների մեծագույն մասը ոչ հոգևորական, ոչ էլ իշխանական ծագում են ունեցել: Վերջապես, երրորդ՝ մոռացության է տրված այդ ժամանակաշրջանում դգալի մեծությունը՝ ներկայացնող քաղաքային դասը (վաճառականներ, վարպետներ), որի գրագիտության աստիճանը բավական բարձր էր: Պետք էր երկու խոսք ասել և կանանց գրագիտության մասին:

IV. Մեր գիտություններ

1. Բացի ցույց տրված հիմնական բացերից ձեռնարկի մեջ թույլ են տրված նաև մի շարք մանր թերություններ ու սխալներ: Այսպես, օրինակ, առաջին գլխում պետք էր ավելի որոշակի ցույց տալ բուն Հայաստանի սահմանները (էջ 7): Ուրմիո լճի մասին ասված է. «Ուրմիո լիճը (հնումը կապուտան ծով) գտնվում է պատմական Հայաստանի հարավ-արևելյան մասում: Հայկական բարձրավանդակի ամենամեծ լիճն է՝ և այլն: Դուրս է գալիս, որ Ուրմիո լիճն ամբողջովին Հայաստանի մեջ էր մտնում, մինչդեռ այդ լճի մեծ մասը մտնում էր Պարսկաստանի տերիտորիայի մեջ և Հայաստանին էին պատկանում նրա հյուսիս-արևմտյան ափերը և հյուսիսային ծայրը: Արշակունյան թագավորության շրջանի քարտեզում էլ (էջ 103) Պարսկահայքը ավելի հարավ-արևմուտք է ցույց տրված, քան այն եղել է, իսկ Փայտակարանը՝ ավելի հյուսիս-արևելք է տարված:

66-րդ էջում պետք էր բերել ավանդությունը թատերական ներկայացման մասին Արտաշատում ե՛թե ինչպես է Յազոն դերասանը ներկայացնում հռոմեական տրիումփերներից Ակի և զորավար Կրասոսի զուխր պարթևների և հայոց արքաներին:

120-րդ էջում պետք էր ցույց տալ Դվին նշանավոր մայրաքաղաքի առաջացումը:

131-րդ էջում ասված է. «Երկարամյա պատերազմներից թուլացած Պարսկաստանն ու Բյուզանդիան...» և այլն: Դուրս է գալիս, որ այդ անբությունների թուլացման հիմնական պատճառը պատերազմներն են եղել, որ միանգամայն սխալ է:

133-րդ էջում պետք էր ցույց տալ Թեոդորոս Ռշտունու խաղացած նշանավոր դերը, ցույց տալ, որ նա հայ ժողովրդի նշանավոր հերոսներից մեկն է եղել:

135-րդ էջում 702-703 թ. թ. ապստամբությունը շարադրված է սխալ հաջորդականությամբ: Առաջինը տեղի է ունեցել Վարդանակերտի ճակատամարտը, որին հետևել է ապստամբությունը Վանանդում և այնուհետև Վասպուրականում, Ռշտունիքում (Դուկանքի ճակատամարտը): Մինչդեռ ձեռնարկում ապստամբության շարադրությունն սկսված է Դուկանքի ճակատամարտով, ապա Վարդանակերտի զիպքերն են շարադրված և վերջում՝ Վանանդի զիպքերը:

Այսպիսով՝ ապստամբության վերջում տեղի ունեցած զիպքերը շարադրված են որպես ապստամբության սկիզբ և հակառակը:

Տասերորդ գլխի առաջին հատվածը՝ «Բագրատունի առաջին թագավորները» (էջ 146) — ճիշտ կլինե՞ր անվանել «Բագրատունյան թագավորության հիմնումը»: Պայքար անկախության համար: Այս հատվածում անհրաժեշտ է ավելի շեշտել Աշոտ II-ի (Երկաթ) դերը Հայաստանի անկախության համար մղված պայքարում:

Գուգիկ I-ի մասին խոսելիս (էջ 157) պետք էր անել այն եզրակացությունը, որ նա փորձում է վերամիավորել Հայաստանը ե միասնական կենտրոնական պետություն ստեղծել, որը նրան չի հաջողվում, թեև որոշ քայլեր ապարդյուն չեն անցնում:

«Հայաստանի տնտեսական վիճակը XV—XVI դարերում» պարագրաֆում (էջ 239) պատմական անցքերի կապը կտրված է: Պետք էր ցույց տալ, որ տնտեսական անկումն ու քայքայումն այն դարերում, մոնղոլական տիրապետության շրջանում, սկսված անկման ուղղակի շարունակություն էին կազմում և լրացրին այն:

Մեխյուսի ղեկավարած գյուղացիական շարժման մասին խոսելիս (էջ 243) պետք էր ցույց տալ, որ այդ շարժումն ունեւ որ միայն սոցիալական, այլև ազգային բնույթ: Ժողովուրդն ապստամբել էր ոչ միայն եկեղեցու և հոգևորականության ծանր շահագործման առկայության հետևանքով, այլև այն պատճառով, որ ժողովուրդն ապավինում էր եկեղեցուն (ուրիշ կենտրոն կամ ուժ չկար), իսկ եկեղեցին համերաշխել էր օտար տիրապետողներին հետ. այստեղից էլ ցատուժը եկեղեցու դեմ՝ ոչ միայն սոցիալական, այլև ազգային-ազատագրական պայքարի արտահայտություն էր հանդիսանում, թեև թույլ և ոչ որոշակի ձևով:

Հայկական վիպասանությունից մեզ հասած հազվագյուտ հատվածներից

բերված է մի կտոր Արտաշեսին վերաբերող երգից (էջ 52) և Վահագնի ծնունդը (էջ 101), երկու դեպքում էլ անհաջող թարգմանություններ, որով այդ հրաշալի բանաստեղծական կտորներն արժեզրկվել են: Պետք էր ղեկավար հատվածների հաջող կատարված թարգմանությունը և լավ կլիներ տողատակի ծանոթագրությամբ բերել նրանց զրարար տեքստը, որն այնքան էլ խրթին չէ և ղժվար չէ հասկանալ:

2. Ձեռնարկում պատահում են նաև անհասկանալի ու անորոշ տեղեր: Օրինակ, 37-րդ էջում կարդում ենք. «Այդ (Ուրարտական: Բ. Ա.) կուլտուրան ժառանգեցին այն նոր ժողովուրդները, որոնք հրապարակ իջան Ուրարտուի անկումից հետո և համաձուլվեցին նրանց հետ»: Անհասկանալի է՝ ժվ ում հետ համաձուլվեց: Ավելի շուտ դուրս է գալիս՝ նոր հրապարակ իջած ժողովուրդները համաձուլվեցին ուրարտացիների հետ, մինչդեռ պետք է հակառակը լինի:

65-րդ էջում կարդում ենք. «Կրասոսը, արհամարհելով ռազմական արշավի ուղղության վերաբերյալ իր ժամանակին Արտավազդի տված խորհուրդները, հավակնոտ մեծամտությամբ շարունակեց իր արշավանքը Միջագետքի անապատներով»: Պահի մարդ կհասկանա, թե ինչ խորհուրդների մասին է ակնարկվում: Պետք էր իր տեղում ցույց տալ, որ Արտավազդը, ելնելով իր երկրի շահերից, խորհուրդ էր տալիս Կրասոսին պարթևների դեմ արշավել, անցնելով Հայաստանի միջով, կամ՝ բոլորովին հարկավոր չէր ակնարկներով խոսել:

92-րդ էջում գործ է ածված «արտատնտեսական ճնշում» տերմինն առանց այն բացատրելու: Միջակ ընթերցողներից ե աշակերտներից քչերը կհասկանան, ճիշտ նույն ձևով գործածված է «աշխարհագիր» բառը (էջ 106): չէր կհասկանան, պետք էր բացատրել:

Հաճախ գործածվում են լեռների, դաշտերի և այլ աշխարհագրական անուններ, առանց ցույց տալու նրանց տեղերը: Սրանք եթե հայ ընթերցողի համար անհասկանալի են, ապա ողջ ընթերցողների համար (սպասվում է ձեռնարկի ռուսերեն հրատարակությունը) չինական այբուբեն կդառնան:

3. Ձեռնարկում թույլ են տրված նաև փոքրիկ անճշտություններ ու սխալներ: Օրինակ՝ 50-րդ էջում չափազանցված է Հոռմի դերը Անիկյան պետության քայքայման հարցում: Այս չի կարևորը, շեշտը պետք է դնել Սելևկյանների ներքին թուլության վրա, որ այդ պետությունը առաջացել էր արևելատականորեն տարբեր երկրներ ու ժողովուրդներ բռնի կերպով իրար կցելու եղանակով: Պարթևները, բակտրիացիք և պոնտացիք ապրստամբելով՝ անջատվեցին Սելևկյան պետությունից, երբ դեռ Հոռմը Արևելքի վրա ոչ մի ուշադրություն չէր դարձնում: 50-րդ էջում պետք էր պարզապես ասել, որ հայերը ապստամբության համար հարմար ժամանակ ընտրեցին, երբ հոռմեական աշխարհակալությունն ընդհարվեց Սելևկյան պետության հետ, որի դեմ, բացի հայերից, ապստամբել էին նաև Բյուրանիան, Գապագովկիան և ուրիշները:

73-րդ էջում կարդում ենք. «... Հոռմի ֆորում կոչված հրապարակում... և այլն: Այդ միևույն է, թե ասենք «հրապարակ կոչված հրապարակում», որովհետև լատիներեն «ֆորում» բառը հրապարակ է նշանա-

կում, Պետք էր գրել՝ «Հոռմի ֆորումում» և ժակագծում դնել «հրապարակում»:

81-րդ էջում գրված է. «...Բյուզանդիոնը Սև ծովի (Իոսֆորյան նեղուցում)»: Պետք է լինի՝ «նեղուցի ակին»:

Նույն 81-րդ էջում կարդում ենք. «...Արևելյան հոռմեական պետութուն»։ Պետք է լինի՝ «Արևելյան հոռմեական կայսրություն»:

87-րդ էջում կարդում ենք. «... Պարսկական զորքերը, Մեհրուժան Արծրունի և Վահան Մամիկոնյան հայ դավաճան նախարարների գլխավորությամբ...» և այլն: Պարսկական զորքը գլխավորում էին պարսիկ զորավարները, իսկ Մեհրուժանն ու Վահանը ուղեկցում էին և տեղանքն էին ցույց տալիս:

107 և 109 էջերում շփոթված է պարսկա-բյուզանդական դաշինքի տարեթիվը. 107-րդ էջում ցույց է տրված 441 թիվը, իսկ հաջորդ էջում՝ 442 թիվը՝ միևնույն դաշնագրի կնքման համար:

125-րդ էջում խոսվում է Ղազար Փարպեցու Թղթի մասին. «Թուղթ» բառի փոխարեն պետք էր գործածել «նամակ»:

126-րդ էջում կարդում ենք. «Մովսես Խորենացին... համարվում է հայոց պատմության հայրը», պետք է լինի՝ «պատմագրության հայրը»:

Արաբական զորավար Մուավիայի և Հայաստանի իշխան Թեոդորոս Ռշտունու միջև կնքված պայմանագրի տարեթիվը դրականության մեջ համարվում են 651, 652 և 653 թվերը. տարբեր գիտնականներ տարբեր տարեթիվ են ընդունել առանց հիմնավորելու այն: Ձեռնարկում բերված է 651 թիվը: Մեր մի հոդվածում քննության առնելով այդ տարեթվի հարցը այն համոզմանն ենք եկել, որ այդ պայմանագիրը կնքվել է 652 թվին՝ որը և խմբագրության ուղղորդությանն ենք առաջարկում:

139-րդ էջում (ներքևից 4-րդ տող) Եգերաց աշխարհը (Մինգրելիան) նույնացված է Արխագիայի հետ: Մինչդեռ Եգերաց աշխարհը հետազայում (X դար) մտավ Արխագիայի թագավորության մեջ:

147-րդ էջում Արճեշի ճակատամարտը վերագրված է 1000 թվին: Որքան մեզ հայտնի է, այդ ճակատամարտը տեղի է ունեցել 998 թվին:

169-րդ էջում կարդում ենք. «Գնորդի թագավորին օգնություն է ցույց տալիս Հովհաննես Սմբատը»: Ճիշտ չէ: Հովհաննես Սմբատը խոստանում է օգնություն ցույց տալ. բայց չի կատարում իր այդ խոստումը:

170-րդ էջում (տող 9) Անիի Մազկոցաձորը «Մաղկաձոր» է անվանված:

208-րդ էջում ավելի ճիշտ կլինի գործածել «Իրան» և ոչ «Պարսկաստան» անունը:

237-րդ էջում Զուղան անվանված է ավան. պետք էր քաղաք անվանել:

Y. Ձեռնարկի ճկարգների առթիվ

Ամեն մի ձեռնարկում նկարները զարդարանքի համար չեն գետնադրվում. նրանք հանդիսանում են տեսանելի ապացույցներ՝ տեքստում շարադրված այս կամ այն դրույթի կամ եզրակացության համար, ցույց են տալիս այն:

¹ Տե՛ս՝ «Ժամանակագրական դիտողություններ», ՍՍՌՄ Գիտությունների Գերատեսչության հանձնարարությամբ հրատարակված, № 1, 1941 թ., էջ 61—73:

ինչ նկարագրութիւնով չի կարելի ցույց տալ. հետևաբար, նկարները պետք է ընտրվեն այնպես, որպեսզի նրանք արտահայտեն այս կամ այն էպոխայի բնորոշ կողմերը: Մեծ նշանակութիւն ունի նաև նկարները ճիշտ գեղեցիկը ձեռնարկի համապատասխան բաժիններում, կամ գլուխներում: Նկարները պետք է որդանապետ կապված լինեն ձեռնարկի տեքստի հետ և լրացնեն այն:

Բժբախտաբար թերութիւններ թույլ են տրված և նկարները ընտրութիւն և նրանց գեղեցիկ ման գործում: Այլևորդ չենք համարում անել հետեւվյալ դիտողութիւնները:

Մեծ և փոքր Մասիսների նկարն անհաջող է:

19-րդ էջում պետք էր դնել մի գլուխներ և մի հին բնակավայրի նկարներ:

22-րդ էջում պետք էր գեղեցիկ մի կրօմլիխի դժագիւր նկար:

25-րդ էջում պետք էր գեղեցիկ Արագածի ջրանցքային հնազույն սիստեմի սխեմատիկ նկարը, իսկ նկ. 15-ը փոխադրել 24-րդ էջը:

Նկ. 21-ը բերել 26-րդ էջը:

Նկ. 22-ի տեղ դնել ուրարտական շրջանի կերամիկայի նկար:

Ուրարտական կուտուրայի բաժնում պետք է դնել երկու նկար ուրարտական բրոնզե դահույքի մասերից, իսկ նկ. 24-ը տանել 34-րդ էջը:

Նկ. 29-ը տանել նկ. 27-ից առաջ:

Նկ. 36-ը տանել նկ. 35-ի կողքը:

82-րդ էջում դնել Աղցի Արշակունիների դամբարանի նկարներից մեկը (որսի տեսարան):

Վեցերորդ գլխից հետո ստեղծելով Արտաշեսյան թագավորութիւն կուտուրայի առանձին բաժին, այնտեղ տանել նկ. 46 և 48: Այնտեղ դնել և ժարմարե ձեռքի բեկորի նկարը:

87-րդ էջում դնել Մուշեղ Մամիկոնյանի նկարը (սելյուքի լեման-Հաուպտի գրքից):

Նկ. 55 տանել 126-րդ էջը, դուրս նետելով նկ. 53-ը, իսկ նկ. 55-ի տեղը 128-րդ էջում հատկացնել Դվինում բացված խոյակին:

125-րդ էջում դնել 7-րդ դարի որևէ վիժական արձանագրութիւն: Այս գլխում բերել մի կոթող Թալինից և Օձունի կոթողը:

130-րդ էջում պետք էր դնել մի բուսական սելյուքի և մի արծվի նկարները Չվարթնոցից:

9-րդ գլխում պետք էր գեղեցիկ մի պատմագրի և մի վիլիսոփայի (Ղևոնդ, Ստեփանոս Այոնեցի) ձեռագրերի լուսանկարը: Այստեղ բերել և նկ. 71-ը, քանի որ և այս շրջանին է պատկանում և այստեղ ավելի հարմար է:

Բաղրատունիներին նվիրված գլխում բերել Շիրակականի եկեղեցու նկարը, Անիի համապատասխան հատակագիծը և Բաղրատունիների պետական գերբը (առյուծ):

Ջաբարյաններին նվիրված գլխում բերել մի բերդի և Սանահնի՝ Տաթևի ու Կեչառիսի վանքերի խմբական հուշարձանների նկարները, նկատի ունենալով, որ այս շրջանում ֆեոդալական խոշոր տների հետ միասին առաջ են գալիս և խոշոր հողևորական ֆեոդալների օջախներ:

Այս շրջանի միևնույնություններից բերել սոցիալական կյանքն ու կենսազն աբստրակտոր մի քանի նկարներ:

XII—XIII դարերի կուլտուրայի բաժինը բերել նաև նկ. 70-ը, որն իր տեղումը չի: Այստեղ գետեղել և Գոշավանքի խաչքարերից մեկի նկարը: 235-րդ էջում դնել Ջուղայի խաչքարերի մի խմբական նկարը:

241-րդ էջում դնել էջմիածնի մայր վանքի ընդհանուր նկարը:

Թվում է, թե ձեռնարկը կշահեր նկարազարդման ոձով առաջարկված լրացումներն ու փոփոխությունները կատարելու դեպքում:

Մեր այս հոդվածում արված դիտողություններից և առաջարկներից առանձին հարցեր անվիճելի և անստորկելի չենք համարում, մասնավորապես՝ հոդվածը գրելիս մեր ձեռքի տակ ոչ մի գրականություն չենք ունեցել բացի ձեռնարկից, սակայն համոզված ենք, որ արված դիտողություններն ու առաջարկները, անկասկած, օգտակար կլինեն, եթե նկատի առնվեն ձեռնարկի հետագա հրատարակությունների ժամանակ:

Ծանկալի է, որ վիճելի համարվող հարցերը Հայկական ՍՍՌ Գիտությունների Ակադեմիայի Պատմության ինստիտուտը քննության և վիճաբանությունների առարկա դարձնի:

Բ. ԱՌԱՔԵԼՅԱՆ